



TUHAQTITJUTIKHAQ

Tuhaqtitauhaktukhaq

Qiqiktaalukmi Tuktuinut Katimakyuarutikhaa

IQALUIT, Nunavut (Taaqnirmun Aullaqtirvia 18, 2013) – Kavamagna Nunavut havakviani Avatiliqinikkut unalu uumayunik havakatigiiktut paanariikhutik tamainni Qiqiktaalukmi katimaniaqtut Iqalungni uumani Taaqnirmun Aullaqtirvia 23-24, 2013 uqarilugit Qiqiktaalukmi tuktuinik.

“Qiqiktaalukmi Tuktuinut Katimakyuarutikhaa atuqniaqtait pitquhimi uqakatigiikniq havakatigiiklutiklu havaqatigiikhimmaarutikhanut tuktunik munaritjutikhanut,” uqaqtuq Nanngariyauyuq James Arreak, Ministanga Avatiliqiyikkut. “Havakatigilugit paanariyavut, ilihimayunga ihuaqtunut tikiutiniaqtugut qanuriliurutikhanut ikayuutigilugit tammaqtaililugit munarilugillu aturaaqpaktakhamut tuktunik Qiqiktaalukmi.”

Avatiliqiyikkut havakpagait angiyut nunallaami qauyihaivakhutik ukiunginni 2011-mi 2012-milu tamainni Qiqiktaalukmi nunallaani. Amihut qauyihaiyuni ilauyut uqaqpaktut taimaa tuktut amigaitilaangit Qiqiktaalukmi ikiklikpiaktut. Tingmitikkut naunaiyaingmata Hivuraani Qiqiktaalukmi tuktut amigaitilaanginnik iniqpagaat upinngaami 2012-mi. Naunaiyaitjutingit naunaiyaingmata naunaikhiyut angiyumik ikiklilaaqtunut amigaitilaanginnut tuktut.

Qiqiktaalukmi Tuktuinut Katimakyuarutikhaat naunaiyakniaqtaat tahapkuat pitjutingit ukuatlu ihumagiyauyut uqaqtauhimayut ukunanga Qiqiktaalukmi nunallaani kangannuaq ukiuni. Pittaaqtangit tammaqtailinikkut pitjutikhait ukunanga Qiqiktaalukmi tuktunut naunaiknahugitniaqtait uumani katimakyuaqnahuaqtuni, piyakhainullu naittumi aturaaqpaktakhamilu munaritjutikhanut hulilukaarutikhat uqariniaqtait.

Ilauyughat qaitkuyauyut tamainnit Qiqiktaalukmi nunallaani, Nunavut Tunngavikkut Timinga, Qiqiktaaluk Uumaliqiyit Katimayit, Avatiliqiyikkut Inirniqhaat Uqautjiyit Katimayit, allallu havakatigiikhutik paanariiktut havakviit.



ᐅᐃᐅᐃᐅᐃ ᐅᐃᐅᐃᐅᐃ ᐅᐃᐅᐃᐅᐃ
Building *Nunavut* Together
Nunavut iuuqatigiingniq
Bâtir le *Nunavut* ensemble

###

Tyler Ross
Atannguyauullaktuq Tuhagakhanut
Avatiliqiyikkut
867-975-7720
tross1@gov.nu.ca

ᐅᐃᐅᐃᐅᐃ ᐅᐃᐅᐃᐅᐃ ᐅᐃᐅᐃᐅᐃ ᐅᐃᐅᐃᐅᐃ ᐅᐃᐅᐃᐅᐃ ᐅᐃᐅᐃᐅᐃ ᐅᐃᐅᐃᐅᐃ ᐅᐃᐅᐃᐅᐃ
News releases are available in Inuktitut, English, Inuinnaqtun and French on www.gov.nu.ca.
Tuhagtaghat ittut Inuktitut, Qablunaatitut, Inuinnaqtun Uiviititullu talvani www.gov.nu.ca.
Les communiqués de presse sont disponibles en inuktitut, en anglais, en inuinnaqtun et en français à : www.gov.nu.ca.